

漕撫奏跡考之四

辰儀刷造漕船疏

題爲酌陳通漕事宜以裨

國計以蘇民困事據清江工部主事龔廷璧呈奉  
臣劄付准工部咨前事備由仰職即便督同管  
廠人員查勘清衛等廠船隻應否比照湖廣江  
西貳處式樣改造旗軍應否添撥糧米應否加  
增省出料價作何支用逐壹酌議停妥明白呈  
詳以憑議覆施行奉此依奉查得清衛貳廠額  
造江北南京山東各總糧船共計陸千捌百貳

拾伍隻俱楠木拾年壹輪每年該造陸百捌拾  
餘隻裏河者底長伍丈貳尺闊玖尺伍寸用大  
小底料銀壹百壹拾伍兩遮洋者底長陸丈闊  
壹丈壹尺用大小底料銀壹百叁拾柒兩在先  
年間船造如法旗軍領駕用心壹船有拾年之  
用是故額數不缺而漕政得以修舉邇年以來  
官匠生奸旗軍積猾造者既不如前駕者又不  
愛惜壹年之造不補壹年之損日虧月耗積缺  
何啻千餘今查各總事故淺船中除年例及海  
船抵過外大約尚有陸百餘隻係不及年號并

上年無料停造之數每遇起運俱官旗雇覓民  
船裝運每隻水脚費用官銀陸柒拾兩甚則加  
派員船代運年年苟且殊非經久之圖近蒙本  
院題革管廠武官更設文職又立損壞追賠之  
法一洗厥弊故今歲所造之船大異曩昔今漕  
務按察使潘允端所議欲將清衛等廠淺船俱  
用楠木要照湖廣江西船式改造使稍加寬大  
便於裝糧其料價擬如遮洋船給銀壹百叁拾  
陸兩柒錢伍分正糧載至肆百陸拾餘石且計  
年省料併船減軍委爲因時制宜之策但查湖

廣江西船隻雖比江北南京稍大然裝正糧亦止叁百肆伍拾石連耗止伍百石耳蓋初意原爲逆遼黃河而不敢使之過重故貳百年來相守已定無有出於伍百石以外者遮洋原裝陸百餘石則空船逆河專兌北糧矣今江北南京之船近因辰洲建閘通發過江直抵江南水次就兌兌完長運入京往返程途亦與湖廣江西相等比之往日寄泊辰壩不同且湖廣船大木亦用楠而駕運止限七年今江北南京船小其限又係拾年若不稍大其制量增其料恐非堅

久之規本職今查清衛貳廠所造各總衛所淺船除年例及撻之外尚有節年事故挨造不及與凡過號無料未造者大約陸百餘隻見缺裝運合無乞爲酌議通行查出別立壹廠擇委廉幹官員悉如該道所議倣照湖廣江西或遮洋船式扣數刷造仍添用肉康等項用圖經久其料價江北比之湖廣江西出產去處不同合照遮洋船料爲則每隻給銀壹百叁拾陸兩柒錢伍分若在辰儀設廠木不抵淮又當減其抽分銀貳兩壹錢柒分玖釐及拽木進淮腳價如原

船係有底板者再估分數遞加扣減計筭壹船所加料銀不過拾數餘兩恒使漕船堅大便於轉輸不致苟簡易壞其爲糧運之利博矣其本廠今歲年例應造淺船仍照舊打造不在此限至於浙江下江貳廠造船難以加米理應相同其價有減省本職難以遙度呈乞酌議等因具呈到臣案照先准工部咨該管理漕務按察使兼右叅政潘允端條陳內開一議處成造漕船以裨大計該本部查得船不車壩例應拾年壹造今江南糧船旣由辰洲新開而進自合查照湖廣江西拾年壹造至於改用楠木比照加料則料價雖費而堅久較之速朽者更省添撥旗軍增運糧米則船身雖大而平闊較之尖深者更速本官所陳良亦有據但造船事屬清江廠與各省而錢糧盈縮則受成於漕司增運事屬漕司而水利深淺則干涉乎河道相應勘議恭候

命下本部備咨漕運都御史王會同河道侍郎萬將本官所條督同各官會勘要見浙江清衛等廠船隻應否比照江西湖廣貳處船隻改

海樓奏疏 卷之四  
用楠木糧船應否比照貳處式樣旗軍應否添  
撥糧米應否加增并省出船值原係抽分等項  
銀兩作何支銷及運回空船催赴水次住修逐  
一勘處明白徑自題

請施行其江南船隻合行比照湖廣江西拾年壹造  
等因題奉

欽依備咨前來已行清江工部分司查議去後今據  
前因該臣會同總理河道兼提督軍務兵部左  
侍郎兼都察院右僉都御史萬 議照造船以  
足料爲先轉運以輕便爲利故漕舟初置而以

淺船名者取其底平倉闊受載不深遇淺易達  
之義也淮廠原與湖廣江西同班式樣淮廠以  
軍職黃緣督造侵尅因循遂失初制而湖廣江  
西尚係原制故其裝載正耗糧約至伍百石行  
之河中不覺其重者蓋以平闊入水不深之故  
也淮廠之船爲式旣削而又底尖倉狹裝糧比  
之湖廣江西之船少參肆拾石而行輒膠滯臣  
查淮廠先年船料每隻原定大料銀陸拾伍兩  
小料銀參拾伍兩舊船準銀貳拾兩共壹百貳  
拾兩乃足壹船之用至嘉靖初年偶以木價稍

賤因而漸減其值嘉靖貳拾壹年以後始定爲大料銀陸拾兩比前減去伍兩官司纔收針鐵之利而廠官遂借之以掩昇指之奸由是船制瘦削不任重裝一遇風濤動見漂溺漂溺旣多則挨造不及挨造不及則在船加載皆所不免而漕政始弊矣臣受

命之初已經會同尚書未議題裁革管廠武職改用選官并立年限賠補之法而船完又委理刑主事驗烙是以今歲所造之船頗爲堅緻然式樣未更終屬尖窄故漕務按察使潘允端有此

建白改制之議委應亟圖查得湖廣船隻係用楠木而限止以柒年者原爲遠涉江淮故也淮廠船隻亦用楠木而限以拾年良以江北南京之船原不過江止泊辰儀受載而北視湖廣路近壹千伍百餘里今辰洲建閘江北南京各衛軍船過江直抵江南浙江水次交兌計其往返程途大畧亦與湖廣相等且比湖廣多駕叁年而規制不爲加料改造誠恐將來益爲簡陋塞數則漂造相尋數無紀極所據清江工部主事龔廷璧酌議前因深得調停之筭臣等復查江

北南京之船既以湖廣爲式而裝糧亦當以湖  
廣爲準每船合加裝正糧參拾伍石是拾船之  
中而載拾壹船之米則當減造壹船如今陸百  
隻止該造伍百肆拾伍隻就以壹船所省之料  
均攤拾船之用適當其費即小有不足增亦無  
多要皆不出額料之數且以減下運軍加之拾  
船牽挽每船又得壹人之力誠於漕計有裨相  
應議

請伏乞

勅下該部再加查議將江北南京等總節年損壞積  
缺淺船陸百餘隻容臣督行漕務按察司潘允  
端照依湖廣船式聽該道徑自選委廉幹官員  
務在得人召集匠作就於辰儀設廠星夜併工  
打造其船約裝正糧參百伍拾石連桅至伍百  
石而止寧再留寬裕務使入水不深乃爲中制  
其合用料價於漕庫收貯清江廠船料及堪動  
銀內支用每隻照遮洋船規則扣給興工之日  
提取原船旗軍眼同在廠看造該道原該駐劄  
辰洲料理新運可以不時親加督察務要造作  
堅固不致苟簡僨事船完之日該道一面就彼

編爲刷字號次第驗烙給軍領駕一面查照漕司原題事例將經造官匠刻名船尾仍造冊呈送漕司記存以所用料價分爲拾分如無故早壞一年於官匠名下追補一分二年以上照數遞加若旗軍撐駕不行用心致有損壞遺失者責在旗軍名下追補其浙江下江一體行令刷造不許雇船其料價聽彼處巡撫酌量木植貴賤以爲增損應題

請者徑自題

請夫淮廠缺船來非一日而其弊之尤甚莫過補造蓋以工部分司不及親督恣各官之侵漁板邊原估分寸誰行拆驗木係餽何補湊誰行丈察以故補字號船未有能過伍年者臣先題請停止蓋深痛

朝廷之虛費而漕計之日頽也今茲仍於辰儀開廠跡似補造但該道以忠赤任勞之心特行具題且親臨督視則白此壹勞未逸再無缺船及雇船加派之弊此所謂刷造非補造也故臣等以刷字爲號者以別於補造他日年數如限堅緻不壞該道之績良有明驗矣至於各衛堪駕



舊船運回之日則當催赴水次預爲脩艙以便  
裝載近因有司過江脚米等銀支給後期而一  
分解淮羨餘又不相繼旗軍連年苦於借貸苟  
簡虛應誠有如該道所言者合無今後凡係回  
空糧船悉令駕赴水次預支一三過江脚米等  
銀聽該道坐委各有司管糧官監督旗軍如法  
脩驗添辦什物不得仍前虛應事完造冊呈報  
漕司稽考庶船造中制而修理不致苟簡矣緣  
係酌陳通漕事宜以裨

國計以蘇民困事理未敢擅便爲此具題請

旨

更置將領疏

題爲海賊滋蔓地方流毒乞

勅當事諸臣併力剿滅以伸

國威事准兵部咨該兵科都給事中張書等具題  
本部看得廣閩浙省一水相通海賊林道乾朱  
良寶林鳳等向盤據於潮海之濱名雖受撫實  
則肆劫比廣東兵勢旣振道乾等四出逃生其  
禍必中於閩浙無疑合候

命下本部馬上分投差人齎文與兩廣軍門殷

福建巡撫劉

浙江巡撫方

督兵併力

攻剿一面通行應天鳳陽各巡撫及南京操江文武大臣各宜整搦水陸之衆以防突犯仍照先年舊規嚴督總副叅遊海兵守巡等官將一切防禦之計預行整理毋得因循怠緩及博取節省之名致貽地方之禍等因覆奉

欽依備咨前來除約會南京兵部及操江衙門規相協應及行狼山副總兵李超海防兵備副使程學博嚴督各該將官水陸操守加意防禦外該臣會同巡按直隸監察御史張王議

照海寇承平已久沿海關隘防禦遂爾疎闊故今林道乾等纔一入犯勢成長驅而臣撫境狼山淮東一帶地方與閩浙江南相爲唇齒即今北風已競賊舟不歸則明春必當披猖於閩浙之間且其携家離巢似無歸志即使官軍力能克之將必四散奔突或勾引倭夷勢所必至又其風濤張掣於大海之中則或北或西在賊亦不能以自必者臣撫境雖遠敢不爲備至於兵隨將轉審官尤急查得大河口右江左海首當賊鋒塩城屏蔽淮西生聚輻輳而揚州中軍

營則調發本根兵威攸寄是臣境地之險要者  
大河口爲最邛塩次之中軍又次之見任各領  
兵官大河口把總劉軻志欲敷張才力滯泥邛  
塩守備劉喬一物塊然一籌不解中軍都司胡  
鳴謙操守雖慎才質弱劣是臣各將官之不職  
者邛塩爲甚中軍次之大河口又次之各官到  
任與臣相後先臣誠知其不可而不一言者以  
地方無事可以守常無庸紛更爲也今賊烽在  
望勢不容已臣即查部下可用而知之稍真者  
如搖港守備祁民表雄姿偉貌忠勇有謀下江  
運糧把總江月智慮沉著曉暢兵機揚州衛原  
任守備丁介夫南北踐更才勇英毅用以更調  
戰守可資伏乞

勅下兵部再加查議將祁民表與劉軻對調江月補  
揚營中軍都司丁介夫補邛塩守備其胡鳴謙  
劉喬革回原衛聽調將官既有精神其軍士自  
生氣色計臣見兵雖不甚多而自臣新法部勒  
以來亦足以戰兵增則糧從必待事急聽臣一  
面調度一面題

請不容目今便逆自紛擾增兵坐困此係地方防禦

首務臣誠不勝祈望之至緣係海賊滋蔓地方  
流毒乞

勅當事諸臣併力剷滅以伸

國威事理未敢擅便為此具題請

旨

恭報糧船悉數過淮疏

題為恭報糧船悉數過淮事該臣會同提督漕運

鎮守淮安地方總兵官靈壁侯湯 巡按直

隸監察御史張 查得萬曆貳年分應運漕

糧肆百萬石內除災例准改及山東河南徐州

例不過淮外實該過淮糧叁百伍萬柒千伍百

肆拾捌石玖斗叁升已該臣等派行各司府州

依期徵收及填給公單分發各總衛所運官督

率軍船前赴水次領兌去後今自萬曆元年拾

貳月初捌日起至萬曆貳年叁月拾貳日止節

據江北等總邳州等衛所運糧指揮等官王崧

等管押幫船共計捌千捌百陸拾貳隻裝載前

糧俱已盡數過淮及將淮安常盈倉原貯上年

留備海運今復河運糧陸萬石內除南京水軍

右衛指揮張心武温州衛指揮陳無逸共掛欠

糧伍千捌百肆拾柒石貳斗參合壹抄見今監  
追未完其餘見糧伍萬肆千壹百伍拾貳石柒  
斗玖升陸合玖勺玖抄已經均派各幫見船帶  
運及行各把總官并管理漕務按察使潘允端  
沿途押僱候過洪之日另報外臣惟漕係  
國家大計至爲重艱今仰仗

神聖御極

天人協助獲於此時悉數度淮黃河既無洪流天時  
亦就和煖南風漸成艘軸無不惟官軍減逆  
挽之勞而抑且轉輸有奇全之望猶足以上慰

陛下南顧之懷矣緣係恭報糧船悉數過淮事理爲  
此謹具題

知

恭報漕船過洪疏

題爲恭報漕船過洪事節據管理漕務按察使  
右叅政潘允端等呈報各總衛所重運糧船陸  
續催僱俱於肆月貳拾日已過徐州洪相尾入  
閘訖緣由到臣據此會同提督漕運鎮守淮安  
地方總兵官靈璧侯湯 查得萬曆貳年分  
實該河運漕糧參百伍萬柒千伍百肆拾捌石

漕糧奏疏 卷之四  
致斗參升又帶運常盈倉糧伍萬肆千壹百伍拾貳石柒斗玖升陸合玖勺玖抄先於參月拾貳日過淮該臣一函具本題

知一函會行各官逐程催償今已依期過洪黃水既不相值大計應可萬全除仍行漕務按察使潘允端督押前進外緣係恭報漕船過洪事理爲此謹具題

知

條議漕運事宜疏

題爲備運糧儲事案照先准戶部咨爲地方事內開漕運都御史總兵官逾年俱在捌月以稟赴京會議漕運事情等因題奉

欽依備咨在卷除欽遵外今照萬曆貳年分糧運過洪已畢臣會同提督漕運鎮守淮安地方總兵官靈璧侯湯議照得臣備員運計三年于茲節奉

廟謨凡所以起廢復初者靡不詳悉臣等惟當遵守國憲以完轉輸無容再議但中有一二得於親歷之久與各司道條議之詳者謹用備列上塵聖覽伏乞

勅下該部再加會議題

請定奪施行仍乞載入議單永爲遵守緣係僭運糧

儲事理未敢擅便爲此開坐具題請

旨

計開漕運應議事件

一定限期以圖善後照得漕運糧儲四百萬石內除山東河南徐州例不過淮外其在江南者計叁百壹拾玖萬陸千肆百石用船計玖千伍百餘隻自隆慶陸年以來連歲俱以叁月得畢過淮視昔較之稍早此

實仰仗我

皇上威靈遠布上下一心乃克有濟臣今所謂欲善其後者謂求其可繼爾姑以今歲論之江南漕舟正月之終已悉抵鎮江但以春多北風或雨或雪幾肆拾餘日數千艘泊於京口而不敢渡不然則貳月之半可以盡完此巡漕暨兩浙兩淮巡監參御史所親臨而往來縉紳所共覩也是惟事體初復人心思奮以故有司雖入

覲也完糧而後離任軍士雖阻淺也不歸而徑赴兌

然臣竊譬之今如兵家朝氣之銳而中間實不能無惰歸之憂也使持議者限以爲定遂執之以爲漕司之繩當事者慕以爲竒遂守之以爲可循之轍歲復求勝則臣恐有嚴法峻擊隨其後軍衛有司不勝其困而勢將復壞此類回所謂行千里而求馬不已則其馬將必逸者也夫以合七省之遠聯十二萬之衆行數千里之險欲輸四百萬石全歸之太倉如此重難自應艱危慎慮寧可以欲速快心之見乘之旁觀責備理或未詳如臣親當其事而不以實訴於

陛下但誇詡其詞以邀一時之名於身得矣其如國計何哉伏乞

陛下軫念漕計勅下戶部再加查議定以叁月終糧船盡數過淮爲中制以壹月爲黃河逆遡之期則肆月終可悉過洪不與黃水相值歲歲如此則軍

民

國計俱爲萬全使守此而不爽焉則漕臣之職也



使由此而又早焉則漕臣之勤也即使稍遲數日亦必俟其過洪有無過水悞事以爲督責庶上下皆安事爲可繼即各省或有水旱陰晴皆可責辦臣言雖近於遲鈍而臣慮稍爲深遠矣伏乞

聖裁

一禁軍士以戒不虞照得江北南京伍總所屬伍於餘衛兌運江南蘇松等府糧米先年止是一旗一綱跟隨運官赴各水次領兌其餘軍人駕船俱住辰儀二壩候官旗兌完錢糧有司在船裝至壩下然後盤入淺船轉運北上此雖用存辰淮水次之名實則不使衆軍擁集江南致生意外之患先是辰洲建閘臣所以議令軍船仍舊寄壩者此也後該會議軍船通赴水次領兌免有司在船脚米七升以寬民力事非不善但一船十軍共計各衛軍至三萬四千有奇加之浙直等衛不在此數屯聚江南且軍民交兌勢易起爭即如上年九江衛官軍以講兌而毆縣令今歲上海縣糧里

覓死屍以誣運官萬一軍失駕馭則不免  
貽禍地方民長奸頑則不免致困運士爲  
今之計惟在申嚴漕法以肅人心設法交  
免以防後患而已且臣聞之先哲云

祖宗以十二萬軍士歲運於中原自有深意其言良  
是但烏頭既能去風烏頭豈得無毒况前  
此零星渡淮勢不群聚今萬艘聯爲一隊  
首在臨清尾在蘇松則其處分整齊尤宜  
更詳伏乞

勅下該部再加查議容臣督行各該管糧叅政及兵  
備副使把總等官今後凡官軍赴各水次  
船一抵岸止許一旗一網跟同運官赴倉  
交兌其餘軍士俱各在船看守不許一人  
私自上岸如有姦旗倡首擁衆入倉爭先  
行兇毆人因而致命及乘機搶擄民間貨  
物或回空之時故將糧船橫撞民船賴搶  
船貨又或聚衆沿途晝夜盜劫者許即拏  
解赴淮除輕者細打問罪外其情重而實  
證明白者或許臣遵照原奉  
旗牌事理徑以軍法從事庶足示懲倘蒙

朝廷許允而臣以文移布之各總則人自畏懼犯者必寡此所謂以殺止殺者也不然其以此而死於囹圄之中笞榜之下者反不少矣且淮揚係中原咽喉使撫臣稍申威令於十二萬衆亦足以爲

國家陰存控帶彈壓之利其或係有司糧里本因徵收後期及插和糠濕強逼官軍不從假捏人命生事情由誣賴抵飾者亦聽臣根究從重問遣有司以不職叅論庶法度嚴明而漕政自肅矣伏乞

聖裁

一清責任以處舊欠查得近准戶部咨開自嘉靖參拾年起至隆慶伍年止各總衛所共掛欠糧米捌拾伍萬捌千伍百貳拾貳石肆斗陸升筭築等銀壹拾柒萬陸百玖拾貳兩柒錢貳分蘆蓆參拾肆萬肆千叁百叁領松板肆千叁百伍拾伍片楞木肆百伍拾玖根題奉

欽依備咨漕司及各該撫按嚴限追併每年限完貳分責成新運把總代納不足者叅問降罰

臣惟漕糧積欠數多升合莫非正額不嚴  
爲追併則

國計難完此戶部之所以有責成把總之規而又  
以降罰隨其後無非足

國之深計也但臣欲於其中稍加分別則可以必  
責之如數而彼將無詞何者今議補之法  
不過曰變官旗之家產扣軍士之月糧留  
新運之餘米而已然不知貧軍之家一如  
懸磬雖名曰變產而產無可直有司月糧  
尚多積欠雖名曰扣糧而糧難盡支且月

糧所以聚軍若以槩衛之軍糧用補節年  
之掛欠是官及無辜終難完報至於即留  
餘米則尤有可言者蓋往年軍士所以掛  
欠皆以沿途盜賣之故今以保甲之法相  
爲稽考則盜賣不行是以入倉而有餘米  
乃慎於守法者也若使先年掛欠果係木  
旗則扣之亦奚不可者而中多新僉槩爲  
扣留用守法之人之米以爲先年盜賣之  
資則宜其情亦有所不服乎且運軍春出  
冬歸千苦萬狀臣於前爲優恤運士以實

漕政䟽已備言之彼所以出不敢後而糧不敢盜者以畏

朝廷之法爾今所剩之米乃其歸途之資即使稍餘數斗持歸以爲妻子相勞苦酒食之費亦所以獎後人使爲必完也而盡取以歸官則前之盜者其爲得計矣乎夫漂流掛欠責之本軍拘禁陪補俱爲正法今不欠而完而又留其餘則無以慰其守法之心而失其望此則運士之所以益困也至於把總能以法厲其屬悉完本年便爲稱職今乃責之以數拾年之前而并求其完及查其所欠乃有身爲漂流之首而見已遷官無恙如山東都司僉書朱吉加謨之類是也而乃以責見在則彼亦將何從取之乎故臣謂運軍所當恤也即不能盡恤恤其守法者可也把總所當責也本不能盡責責其見年者可也臣請

陛下勅下戶部於把總到齊之日令其開具某衛某所某年掛欠若干係運官某人旗軍某人除運官運旗已故及或爲事別經問發充

軍爲民者外將見在之人不拘陞任在衛  
通將欠數坐於名下行文原衛變其家產  
扣其俸鈔其運旗有見在運者將本船餘米  
升合通行扣留不足仍行扣其月糧除此  
之外將病故間革之人所遺之數總筭若  
干定爲分數每年乃責完納貳分其江北  
參總行臣各省者行各巡撫南京者行南  
京戶部通行設法處完候各把總入京之  
日必以貳分順齎解部乃爲稱職其官旗  
見在之數不在此內其原非掛欠之軍餘  
米不拘多少不得扣留如此則人心允服  
事有責成而積欠可完矣把總朱嘉謨所  
欠糧貳萬陸千肆百貳拾壹石陸千零銀  
貳千叁百貳拾叁兩柒錢陸分零其數如  
此之多而又遷之都司尊銜也山東安地  
也宜無以服諸人之心仍乞比照把總姜  
潮事例戶部行提送赴法司監併則以後  
把總亦知俸脫之不可恃而見年之完納  
必不敢後諸有如此類者聽戶部查照施  
行伏乞

聖裁

一復軍船以蘇渡因據浙江督糧右叅政龍光呈據衢州所申稱本所原額運船肆拾玖隻嘉靖叁拾肆年加添代運海寧衛叁隻隆慶肆年又代温州衛拾隻共船陸拾貳隻連年困累力委不堪今查本所額設旗軍共該壹千壹百貳拾名今已故絕捌百捌拾柒名止餘見在貳百叁拾叁名內除城守等差貳百捌名必不可缺外止有叁拾伍名在運以船陸拾貳隻計之該旗甲陸拾貳名舊規皆以正軍應役今俱貧乏僅存堪運者壹拾貳名及僉餘丁陸名共得壹拾捌名仍缺肆拾肆名只得併於見丁有一戶兼管數船者有貧戶四五人共管一船者又駕船運軍每隻拾名共軍陸百貳拾名今止有見在貳拾叁名實缺伍百玖拾柒名盡將各戶子丁撥補止得叁百叁拾柒名仍缺貳百陸拾名只得將雇工義男及老弱殘廢之人充數即今貢累逃亡軍伍殆盡委實不支申乞將本所

前加運船歸復原衛或殷實衛所撥軍領  
駕等因到道隨經復行衢州府覆勘是實  
本道看得該所疲敝缺軍所有續加拾船  
原係温州衛撥出之數而温州衛狼狽尤  
甚豈堪復還惟查海寧衛殷實先年原有  
運船肆拾柒隻嘉靖叁拾肆年彼因倭患  
議留防守今地方無事上年已復運拾貳  
隻相應再將衢州所拾隻撥併該衛共足  
貳拾貳隻領運視昔尚不及半丁力足以  
承駕等因據此臣惟駕船必資於軍撥軍  
當量其額令備用所加船過多而軍數不  
足該道議請要改復海寧衛領駕查係原運  
衛所委應歸復乞

勅該部再加查議自萬曆叁年為始至派海寧衛運  
船連前共貳拾貳隻會選殷實精壯旗軍  
貳百肆拾貳名每年輪委能幹千百戶貳  
員管領查照原派水次以拾隻兌本省湖  
州府烏程縣糧米拾貳隻兌直隸蘇州府  
長洲縣糧米完日合為一幫運納其衢州  
所照舊伍拾貳隻起運庶勞逸適均而疲



困少鮮矣伏乞

聖裁

一折脚米以濟修船據蘇松督糧右叅政舒化呈稱查得議單內開江南糧米坐派江北南京衛所領兌者每石原徵脚米壹斗叁升內在船七升蠲免其折徵六升仍復本色隨糧給軍抵作行糧即將名下行糧折銀封送在官聽漕司給發修船置辦什物今蘇常等府會計俱派本色但各衛軍船駕到水次勢必用銀修理有司既徵本色

在倉一時又難折辦兩相耽閣有悞運期合無仍照原議折徵給領等因據此查得前項六升脚米自來原徵折色至隆慶伍年議作行糧以本色給軍隨船食用而以前各軍行糧折銀以抵修船之需蓋彼時軍船寄泊辰儀故有此議即今辰洲建開軍船通發過江直至水次聽兌必須先修船隻預辦什物糧完即可開行而此時江北行糧尚在守支何以濟急且近年空船回南頗早即玖月以後當赴水次視前肆

月尚在瓜壩寄修待糧至而挑盤受載者  
不同所據前項脚米仍應折徵以濟修船  
乞

勅該部再加查議自萬曆貳年秋糧為始將六升脚  
米照舊折徵銀兩給各運官公同有司委  
官買料修船併辦什物應用庶時日不曠  
而運務有裨矣伏乞

聖裁

異常風雨海嘯河溢地方重大災傷疏  
題為異常風雨海嘯河溢地方重大災傷事案月

貳拾壹等日節據徐州兵備副使舒應龍呈據  
蕭縣申稱案月初柒日黃河水至本縣地方初  
玖日將南門迤西城垣衝倒參丈伍尺水勢湧  
進知縣宋偉督率地方晝夜堵塞隨補隨塌又  
各門倒壞城垣七處共長參拾參丈四門俱水  
百姓號哭聲震四野城內各隅淹倒居民王儒  
載等房屋貳百餘間壓死男婦未查的數又據  
徐州申報陸月貳拾柒日夜至貳拾玖日夜黃  
河陡長柒尺有餘初壹貳日暫消貳尺初參日  
以後又復比前更長貳尺本州東西北三門俱用

土堵塞至初致日水勢愈大透城甚急遂將南門橋外民房數拾餘間壹洗衝去七月以來連被大水田廬俱在巨浸災民棲身無所收藏糧食漂流無存豆秣在場淹沒盡腐伏乞踏勘拯救又據碭山縣申稱六月拾玖日霪雨連綿至貳拾柒日黃河水長即由陳孟口出岸漫淹民田至七月初伍日河復暴漲前口稍淤又從迤東關家莊一帶橫流平地約深五六尺西自河南虞城縣界起東至蕭縣趙家圈止計長貳百餘里北自戍家口起南至夏邑永城貳縣界止計闊捌拾里許一派瀰漫環城爲海各等因到道已經備行徐州委官踏勘并行各州縣加護城垣及將被水之家隨宜安插量動官銀賑濟外看得徐州并蕭碭地方係當黃河全流所注淹浸之患無歲無之去歲被水之後災民嗷嗷仰乞蠲賑適以淮安告災在先難以續

題雖蒙查給官貯銀穀酌量放賑僅足以少延饑溺旦夕之命不意今歲之水較之去歲更大被災之民較之往日更窮而蕭縣衝城異常之變尤爲從來未有之事徐地界在南北咽喉之津

又民習獷悍素稱易動難安之所乃連歲遭此  
異常水災不加賑折則意外不虞之事誠有不  
忍盡言者伏乞軫念會議題

請大破常格蠲租賑卹等因到臣行間又據淮安府  
申稱柴月拾肆日早微雨起風至貳更時分異  
常惡風盆傾大雨不止直至拾伍日戌時分益  
甚板木撒屋殼吼如雷忽致海嘯黃河與淮水  
並發諸水匯歸而所屬郡邑遂爲汪洋巨浸不  
但各處秋禾淹沒壹空即清河山陽安東鹽城  
等縣官民房屋漂蕩共約計壹萬貳千伍百餘

間溺死男婦鄭江等壹千陸百餘名口鹽城縣  
城垣倒塌百拾餘丈至齊壹帶運河隄岸初則  
決壞數多繼後漫頂而逝睢寧桃源沐陽海贛  
各州縣被災俱同委爲重大災傷事干地方民  
命申乞速行勸賑以救危急等因又據揚  
州府屬如臯泰興武縣申稱本縣濱臨江海今  
歲壹春無雨貳麥少收麥時亢陽秋禾盡稿改  
種豆菽雜穀正當長茂偶於來月拾肆日狂風  
大作驟雨如傾海嘯潮漲平地成湖房屋物件  
衝倒無存糧食牲畜漂淌罄盡人口壓溺死者

不計其數秋禾絕望又據海門縣申稱柒月拾肆日惡風猛雨天地晦冥南江北海水潮泛溢晝夜之間壞裂城垣貳百餘丈傾倒官民房舍壹千貳百餘間壓死男婦叁拾伍名口哭聲震天悽慘極目見今潮水未退離城尚未查勘茲誠地方大變乞行勘處各等因先後具報到臣不勝驚懼其餘州縣備所并各鹽場被災應同特以道遠差報未齊該臣看得淮徐地方爲黃淮貳河下流水之爲害歲若有期而必至蓋自嘉靖叁拾壹年以迄于今誠無虛歲而中間有

緩急大小之分者特以或有水而無風則波濤不惡或獨漲而不並則氣勢可支固未有若今歲先以黃河瀾漫平浸徐礪至柒月拾肆伍日加以大風簸揚淮海齊發白晝昏黑浪湧逆流則各水之能爲患者今并于壹時而淮安之向獨病者今且漸于揚州矣宜其城鄉盡淪人民牲畜禾稼屋廬死亡傾頽者不可勝計誠地方莫大之災也臣備員叁載惟其無壹善狀是以叁經告災臨

奏屏營措躬無地但以地當衝劇貢宦行舟殆相

接踵行路共覩良非可欺故寧以累瀆

聖明自甘斧鉞終不敢掩抑民病使不

上聞除痛自脩省待罪及壹面督行該道府州多方

設處撫恤災民及委官踏勘被災分數外查得

報災例該巡按御史覆勘回

奏即今巡按直隸監察御史張

患病已經臣

為具

題訖伏乞

勅下該部查議亟行兩淮巡鹽御史王

將臣列

開被災州縣并道遠未報者通行從公勘實分

數酌量重輕奏

請議處蠲恤庶殘民獲更生之望要地免意外之虞

矣緣係異常風雨海嘯河溢地方重大災傷事

理未敢擅便謹題請

旨

議處高牆供億疏

題為議處高牆供億以蘇疲困事據穎州兵備僉

事聶廷璧呈據鳳陽府申報高牆內庶人共計

男女肆百捌拾柒名口屋宅陸拾伍所每年該

供應銀肆千捌拾柒兩零并冬衣布花脩理牆

宅藥價押送內臣盤纏守備奉御等官廩疏等  
項通共用銀陸千捌百叁拾貳兩零自來費出  
正陽鈔關稅錢近日爲加派河夫銀肆千叁百  
柒兩肆錢軍餉銀叁千陸百柒拾貳兩正陽又  
止壹路原非通衢稅入漸少供億不前請議加  
派等因到臣竊惟

國家之設高牆明示幽抑所以厲

宗藩犯法之禁而高牆處之鳳陽緣近  
陵寢所以發

宗藩遷桐之思然其供給修理之費咸處之鳳陽  
者計當時以人寡費少偶不詳議及年遠成規  
遂不敢別加補貼而鳳陽之困殆今始不可文  
矣然臣惟鳳陽爲

聖祖

龍飛之地即漢之豐沛南陽當時名稱湯沐固有給  
復殊恩今查鳳陽各種派納視他州縣分毫不  
殊而高牆之費視各州縣更增困劇此非

聖祖顧盼枌榆之念而亦豈

神孫所以仰承

聖祖無窮之心者也欲近而分派於江北則災傷同

體而難增欲遠而求助於各省則忽改成規而未順若坐視其困劇而不爲之所則終將加派鳳陽之民其何以堪臣以爲今之計不過於高牆制議稍加調停足以給濟臣得參說焉夫高牆

宗藩以罪而發歷查其所犯即自將軍中尉而下大都皆緣富貴奢淫而作奸者也即今庶民以罪而克發者其故里尚有軍裝而况

宗藩遠發乃不使其家薄有所獲以供其朝夕耶昔漢文帝以淮南厲王之廢也曰天下其以朕

爲利淮南地土耶因割封其參子示無所私也本朝宗祿原無土地然如伊遼之廢而使其財物盡入於官雖以視土地有間矣而嫌於利之則壹也即謂所犯不至籍產則隨身之業固當議爲定制量相分給歸之鳳陽庫中以俟供億其身與妻子若以謂其有子而不當絕產則未有父幽囚而子甘於不問且安然以自肥也使其子而非人也則可爾其已往者無及矣臣乞自今而後法司將

宗室所犯應入官還官之贓及其無子而應盡室



入高牆者不以歸官盡行變賣轉解鳳陽而即  
有子孫當留產者亦定爲分數使其有司變賣  
轉解隨行以爲其終身之供臣謂此不特爲鳳  
陽也即

國家於

宗室犯罪微存不忍之意則不當同之庶民而盡  
入其產於官亦

國體宜爾也犯者來而有所齋則供億省自此可  
以紓鳳陽者壹也臣惟罪人不孥謂罪人當時  
事發而不及其妻子此參代之仁政也今鳳陽

處高牆者名爲庶人則固視民間之遷者有間  
矣而自入高牆之後或至幾代其所產子孫竟  
不令得復還也查得節年雖有釋放然皆出於  
詔旨特恩而今見在如宸泐拱控等則皆同禁其曾  
孫矣身旣幽囚而不得出而其子孫數代相與  
居之壹屋之中白首髻年相視迤老夫乃懲之  
過乎若以爲其罪合大辟而姑以親故與之生  
全應禁其子孫也則亦定爲壹代之後可矣而  
其孫與曾孫者亦何罪耶臣乞

陛下容臣衙門會同巡按御史守備太監查將見在

庶人男女通行列名上

請下刑部查其所犯重輕與入牆年月覆議

請裁簡放仍乞以後著爲事例限幾年壹奏不必待

有

恩例犯者生而無所審則供億省自此可以紓鳳陽者貳也高牆之設查自洪武拾年然亦無的據至永樂肆年尚有發廬州府者至

宣宗時而後始爲

定制見於幽發

晉王濟爨

詔書至

世宗之時以

宗室之犯者多而不勝發之遠而艱也始下禮部

有開宅之建而亦已通行於天下之有封者矣

臣揆

世宗之意以爲高牆雖嚴然開宅在近彼其子弟親見其父兄居幽無聊之狀則其爲戒視高牆更親而切也且

聖祖之高牆

世宗之開宅其在今日均爲

祖制而壹行壹否固亦非臣子所以均奉成法之意臣愚謂

二制既不可偏廢則當以尊卑爲分別臣請自今有犯者

親王

郡王入高牆爵崇則當依

陵寢也將軍中尉入闕宅鈴東則當從

親王也犯者發而不皆至則供億省自此可以紓

鳳陽者參也鳳陽府原無城池係干風水非臣子所敢輕議其高牆在曠野之中先年倭寇猖

獗撫臣李議移泗州城中而以宅多費重因

而中止夫地方之有警未可保也當其有警既欲守無城之郡又欲守郡外之

陵而更加以守牆也往年師尚詔之驚中外僉聞萬壹踈虞有司之責良無辭矣然臣竊譬之千金委路而致盜也盜之不緝則有罪矣而委於路者夫亦保之未周乎

陛下誠允臣參議

勅下該部會同法司詳議上

請定奪使著為例則所頒之宅自此不多然後查如

原議容臣衙門會同巡按經理其費移置泗州城中則自此

祖制可保於未定而疲地亦稍望其蘇息矣鳳陽之荒疲蒿萊滿目而四方

朝會之從陸者道必出鳳陽驛遞之供需河夫之歲派視天下郡邑其供加拾之伍卽非

聖祖

龍飛之地有困如此尚當壹控於

陛下以求均平而况屬

聖祖粉榆顧盼之地者而

陛下爲

神孫又安得不加意以仰承於無窮耶臣誠不勝屏

營待罪仰祈之至緣係議處高牆供億以蘇疲

困事理未敢擅便爲此謹題請

旨

覆勘災傷疏

題爲異常風雨海嘯河溢地方重大災傷事准戶

部咨該臣題前事又該戶科都給事中賈

題爲亟拯淮徐赤子以固中原以消隱憂事俱

該本部議覆徐淮等處南北要地撫綏宜先乃

今歲水患尤且異常深遠之慮不可不急委當  
破格蠲恤以救然眉之苦及查徐淮揚各預備  
倉積有糧石原爲賑濟合無一面先行動支賑  
濟其蠲免事宜未經查勘分數事難遙計仍行  
作速勘處以憑題覆及查巡按御史張 已  
經患病合行兩淮巡鹽御史勘議既經都御史  
王 及該科具題前來相應一併題

請恭候

命下本部移咨鳳陽巡撫都御史王

一面將徐

州淮安揚州各預備倉實在糧米查出先行動

支分別賑濟使不致流移即咨都察院轉行兩

淮巡鹽御史王

將前項被災州縣及未報

地方果否災傷如係參分以下例不得免者不  
得輕議外其災傷重大地方作速分別分數及  
一應事宜作何議處會奏前來以憑議覆蠲恤  
施行等因題奉

聖旨這淮徐等處地方災傷重大小民困苦朕深切  
憫念着王宗沐等查奏內所開積貯銀糧先行賑  
給一面作速勘處奏奪欽此欽遵移咨到臣祇奉

溫綸仰體

德意已將應動銀稻會同巡按巡鹽委官分投給散  
撫綏外案照先據所屬申報災傷俱經牌行各  
道府查報的確分數並蠲賑事宜速議停妥以  
憑會

題去後今據徐州兵備副使舒應龍呈督行淮安  
府知府邵元哲委桃源縣知縣齊開先踏勘得  
清河縣溺死男婦壹千伍拾捌名口漂淌官民  
房屋捌千肆百壹拾貳間鹽城縣知縣李廷泰  
踏勘得安東縣溺死男婦叁百壹拾叁名口衝  
淌官民房屋壹千陸百玖拾伍間宿遷縣縣丞

鄭朝周踏勘得桃源縣溺死男婦叁百貳拾名  
口衝淌官民房屋陸千伍百貳拾柒間安東縣  
知縣唐可大踏勘得山陽縣溺死男婦貳百捌  
拾餘名口倒塌及衝淌新舊聯叁城城垣共伍  
拾陸丈捌尺官民房屋玖百餘間署清河縣印  
邳州儒學訓導馮訓踏勘得宿遷縣溺死男婦  
貳百伍拾叁名口衝淌及倒塌官民房屋貳千  
捌百叁拾壹間牌坊貳座睢寧縣知縣劉維藩  
踏勘得邳州溺死漂淌男婦貳千肆百捌拾貳  
名口倒塌衝淌城垣肆拾叁丈官民房屋壹萬

參百捌拾間邳州儒學學正倪倫踏勘得睢寧縣溺死男婦柒百叁拾貳名口決壞社堤陸拾餘丈城垣貳拾陸丈衝淌官民房屋柒千玖百貳拾陸間海州知州鄭復亨踏勘得鹽城縣壓傷溺死男婦壹百肆名口倒塌城垣陸百捌拾叁丈衝淌民房陸千伍百餘間沐陽縣知縣陳贊踏勘得海州漂淌男婦壹百餘名口倒塌衝淌城樓官民房屋共壹千餘間城垣柒拾餘丈海州判官李泮踏勘得贛榆縣溺死生員及男婦貳拾壹名口倒塌城垣肆門望樓肆座官民房屋捌千叁百柒拾肆間安東縣知縣唐可大踏勘得沐陽縣溺死男婦陸拾名口衝決河口壹拾伍處倒塌衝淌官民房屋陸千陸百肆拾肆間各州縣漂淌積貯并牲畜什物不計其數田地不分高下悉如湖澤俱係全災又據徐州知州劉順之申委豐縣知縣吳文光踏勘得本州衝坍城垣貳丈玖尺陷裂拾丈倒塌居民房屋貳千陸拾叁間溺死男婦數百餘口漂淌牲畜不計其數又勘得沛縣地原窪下陸月以來大雨經旬泗水貳河及昭陽湖水齊發平地水

深伍陸尺田禾淹浸顆粒無收沛縣知縣倪民  
望踏勘得碭山縣黃河陡發壺派橫流衝淌  
民房屋伍百餘間溺死鄉民劉昂等并牲口壹  
百壹拾貳隻碭山縣知縣王廷卿踏勘得蕭縣  
衝坍城垣叁拾陸丈居民房屋貳千柒百貳拾  
間溺死男婦蘇田王氏等及牲畜壹百壹拾餘  
隻俱係全災各等因類呈到道爲照准徐州縣  
綿亘千里無壹地非被災之處無壹人有樂生  
之心而清河安東等處溺死人命尤多誠爲莫  
大之變不惟異日之窘迫重有可慮而目前之  
危急已無可舒乞速賜會

題大破常格准支給料餘並銀兩分發賑濟仍將  
本年正改漕米入撥支運本色馬匹及衛所屯  
糧俱准折價帶徵未完起存錢糧馬價料  
價酌議蠲免傳徵等因又據海防兵備副使程  
學博呈督行揚州府署印同知劉寅委高郵州  
同知胡得寶會同興化縣知縣李安仁踏勘得  
本縣溺死男婦陸拾餘名口各鄉民房倒塌損  
壞太半被高寶各場諸水匯流以興爲壑壹望  
如湖興化縣縣丞張仁會同寶應縣知縣李淩



踏勘得本縣東西貳鄉被水漫堤奔注溺死男婦拾肆名口衝倒民房壹千肆百柒拾間各鄉痛遭兩颶田苗虛稅折穰實應縣縣丞陳四岳會同如臯縣知縣鄭人遠踏勘得本縣溺死男婦貳百肆拾玖名口衝淌房屋叁萬伍千伍百捌拾捌間通州判官王畿士會同海門縣知縣李諭踏勘得本縣溺死男婦壹百捌拾捌名口倒塌損壞官民房屋伍千叁百餘間壞裂城垣貳百壹拾柒丈泰州判官劉橋會同通州知州屈希尹踏勘得本州溺死男婦壹百伍拾捌名口倒塌官民房屋牌坊樓亭共壹萬貳千伍百餘間座城垣壹拾陸丈貳尺衝倒橋梁閘壩貳拾玖座檢校錢世成會同泰州署印同知黃案踏勘得本州先因久旱高阜田禾焦枯其卑下雖有青苗盡被潮水滄沒壹空民房倒塌不計其數儀真縣縣丞單汝賢會同泰興縣知縣劉伯淵踏勘得本縣滄死男婦柒百名口漂淌官民房屋壹萬柒千間坍沒入江田地叁萬餘畝經歷余俸會同儀真縣知縣唐邦佐踏勘得本縣東南近江盡皆滄沒西北山岡旱蝗枯槁以

上有災無收拾分恭與縣縣丞陳勲會同江都縣知縣涂夢桂踏勘得本縣東南臨江北近淮湖潮漲水溢衝淌民房壹千玖百陸拾餘間溺死男婦不計其數西接天長旱蝗為害徧地荒赤照磨陳以科會同高郵州知州劉旦踏勘得本州逼臨諸湖壹堤之隔皆極卑窪淮湖橫流漫洩陸地如沉水底以上有災無收拾分伍釐有收無災伍釐類呈到道看得道屬地方濱臨江海災變頻仍又值今歲旱澇交加風蝻並作誠異常大變災荒至極乞賜會議題

請照依先年恤災事例准留運司鈔關銀兩溥施賑濟並將本年起運秋糧破格全撥支運仍將拖欠隆慶陸年以前錢糧悉從寬免等因又據鳳陽府知府趙體敬行委鳳陽縣知縣馬尚選臨淮縣知縣鄭之亮互相會勘得鳳臨貳縣先因久旱禾黍枯槁蝗飛蔽天已無寸草復遭淫雨水發田廬盡淹委係全災天長縣知縣况于梧會同掌泗州事本府通判陳永直踏勘得本州於七月十四等日風雨連宵淮水泛漲平地文餘民房衝倒太半城門用土築塞僅能保全又

會同盱眙縣知縣楊梅踏勘得盱眙縣入夏旱蝗徧野撲捕愈生七月十五等日晝夜風雨淮水衝淌民房壹千餘間溺死人民壹百餘名口俱有災無收致分無災有收壹分各申到府照得肆州縣壹時水旱相仍災變異常錢糧無從辦納伏乞照例蠲免以恤其困等因到臣會同巡按御史張巡鹽御史王看得淮徐壹帶乃

國家運道咽喉中原重地數年以來災沴相仍閭閻凋蔽民已不堪命矣即使連歲豐稔尚難頓復况以百年未有之災壹時並作答由臣撫綏失職舛謫干和方當具

聞之日實恐

天聽之高待罪屏營自甘斧鉞迺蒙

皇上壹聞

奏報

憫念深切不惟先

賜賑恤仍令勘處再奏此雖

克舜憂民之心何以加焉而

天恩再造餘孽復蘇臣敢不祇承

溫綸備瀝祈懇念惟饑民既賑之後雖可少延其喘息若錢糧照常催徵則抹死不贍之民復行追呼比併之擾欲其不至流移不為盜賊誠難矣所據被災州縣委應分別破格蠲賑以示寬恤今查各道府勘報大約俱係全災無收而淮安府屬清河安東桃源山陽宿遷邳州睢寧鹽城柵州縣徐州并所屬蕭沛碭山肆州縣揚州府屬興化寶應如皋海門通泰泰興儀真柵州縣或當貳瀆之衝或值江海之會尤為最重其海州贛榆沐陽江都高郵鳳陽臨淮泗州盱眙玖州縣似為稍重查得嘉靖肆拾肆年徐沛水災該前撫按具

題戶部覆議將正改漕糧俱撥支運肆拾伍年淮徐水災正兌漕糧准改折價改兌全撥支運及動支鈔關船料餘鹽贖罰等銀賑濟隆慶叁年淮揚徐水災正改漕糧俱准折價發運司餘鹽銀叁萬兩內將壹萬兩補給運軍行糧貳萬兩并留淮揚鈔關船料銀叁季共叁萬捌百餘兩巡鹽御史項下殘鹽贖罰銀壹萬捌千餘兩及各府州縣事例銀貳季相兼倉庫積穀贖罰奏

賑又該工科給事中嚴 題留尾幫漕糧參  
萬石收貯徐州倉平價出糶矧今年之水比之  
昔年尤爲重大若不破格蠲折不惟錢糧終於  
逋負百姓日愈逃亡而意外之虞尤不可測此  
臣等目擊心痛不得不比例懇

恩于

君父之前也伏乞

皇上憫念壹方生靈橫遭墊溺

勅下該部議擬上

請將前項被災最重州縣漕糧係正免者照例改折

係改免者准於臨德貳倉支運被災稍重者正  
改俱徵折色其各部一應起存并節年拖欠錢  
糧馬價料價姑暫停徵候豐年帶補本色馬匹  
與衛所屯糧俱准折價淮安府常盈倉運軍行  
糧及支運進倉腳價民困勢難徵派合無於臣  
等應解贖罰銀壹萬玖千貳百兩姑免解部再  
於船料或餘鹽銀內量留參萬兩以濟支用仍  
乞比照上年事體將明春尾幫漕糧量留參萬  
石分貯淮徐貳倉以備青黃不接賑濟則

皇恩浩蕩海隅霑濡災民賴以更生而重地可保無

虞矣緣係奉

旨先行賑給壹面作速勘處奏奪事理未敢擅便爲  
此謹題請

旨

議設將官疏

題爲議處要地將官事近得邸報內開江南蕪湖  
被盜劫庫該兵科都給事中蔡

題該吏部

會同兵部覆題節奉

旨近來各巡撫兵備官將詰戎弭盜視爲末務漫  
不經心地地方何賴欽此臣伏讀之下不勝戰慄况

臣所屬肆府叁州地方內則爲中原喉咽外則  
與江海相通並以連年水患異常民生日困而  
詰戎弭盜尤所當周臣已經節次申明

嚴旨通行各道兵備及地方將領有司軍衛凡有地  
方之責者悉心料理如或中有未備事宜據實  
開詳去後續據徐穎貳道兵備副使等官舒應  
龍等各將應議事件開呈到臣除臣得以徑行  
者不敢塵

瀆外所有事干吏置應該奏

請者相應開坐

上請伏乞

勅下兵部再加詳議覆請

定奪施行緣係議處要地將官事理未敢擅便爲此  
謹題請

青

計開

一定議徐邳參備據徐州兵備副使舒應龍  
呈稱照得徐邳地據中原爲運道咽喉盜  
賊淵藪故先年議調睢陳參將駐劄徐州  
原議糧船盛行駐徐以護漕運餘捌箇月  
則輪歸宿州歸德其邳州又設守備以控  
要害春汛移駐鹽城用防海寇汛畢則回  
邳州查得鹽邳相去伍百餘里壹歲兩移  
番成牽制不免顧此失彼且鹽城濱海先  
年原設參將今雖倭警稍寧而鹽盜不時  
竊發守備必不可離至於歸德睢陳係腹  
裏安地視參將爲贅物而參將奔走無定  
視參處爲寄巢合無乞爲議處將參將專  
駐徐州兼提調邳宿等衛所城守操軍及  
州縣民壯居常無事則嚴爲操守糧運盛

行則往來邳宿上下防護不必復回歸德其邳州既有叅將統束而守備當駐鹽城春汛則統領原留徐邳等衛班軍防守汛後撤放量留募兵壹百名相兼縣所民壯軍兵常川操備有賊即行擒捕庶責任既專而地方均賴等因該臣會同總理河道兼提督軍務都察院右僉都御史傅

巡按直隸監察御史張

看得徐邳民

俗獷悍盜賊充斥鹽城池濱江海鹽徒出沒該道欲將叅將專駐徐州往來邳宿及將守備移駐鹽城常川操守各壹節誠於防禦有裨乞

勅該部再加查議如果相應將徐州叅將改為分守徐邳等處叅將配以徐邳宿原給軍兵民壯防護運道彈壓奸宄不必移駐歸德兼聽河道衙門節制調遣及將邳鹽守備改為鹽城守備專駐鹽城照舊統領徐邳原留春班及城操軍兵防禦海寇汛畢撤回止留募兵兼縣所城兵緝捕盜賊蓋徒仍換給



勅書劄付以便欽遵行事庶責任既專防守自力矣  
其歸德應否再設兵官咨行河南巡撫衙  
門徑自斟酌具

奏伏乞

聖裁

一議設礦山防禦據潁州兵備僉事聶廷璧  
呈稱照得廬鳳貳府所屬六安霍山霍丘  
叁州縣境界相連礦山接壤本地射利奸  
民徃徃勾引肆外礦徒動以數百盜採礦  
砂抗違

明禁拒敵官兵雖經發兵剿捕蓋絕而覬覦未忘近  
者蕪湖之賊乃屬原約取礦之徒因不得  
手回還劫庫似此防禦安可不周但原設  
衛縣巡山官兵率多老弱且無統紀難以  
全恃呈乞酌議題

請特設把總壹員駐劄麻埠鎮地方就於臨近六安  
州衛并霍山霍丘或縣城守軍兵民壯內  
挑選精勇共貳百名常川跟隨本官徃來  
山場嚴加巡邏壹遇礦徒竊發即便督率  
各兵及該管有司軍衛巡司捕盜巡山等

官兵協力擒剿庶免貽害地方如有別項盜賊生發亦聽本官隨機剿捕麻埠巡檢原爲礦洞設者裁革以弓兵并附該縣爲民壯撥隨把總等因該臣會同巡按直隸監察御史張 巡視上江監察御史蔣看得六霍等處礦山所在徒衆垂涎雖有巡山官兵漫無統紀無益實用據議添設把總駐守壹節誠於防禦有裨乞

勅該部詳議

上請准於麻埠鎮地方添設把總壹員率領軍民兵

勇貳百名相兼州衛縣巡山捕盜巡司等官兵往來巡邏山場勸礦徒如於無事之時倘有附近地方盜賊生發亦應責成緝捕其麻埠巡檢裁革原設弓兵改爲民壯即配把總充貳百名之數其泗州守備專護

陵寢及鳳陽壹帶陸路盜賊北止宿州南盡滁州境界不與礦防庶礦患潛消地方有賴矣伏乞

聖裁